



ქალაქ ფოთის მუნიციპალიტეტის საკრებულო

განკარგულება № 14/70

2023 წლის 18 ივნისი

ქალაქი ფოთი

ქალაქ ფოთის მუნიციპალიტეტის ტერიტორიაზე მდებარე სანაპიროს ქუჩისთვის სახელის გადარქმევისა და გერონტი კუხალეიშვილის ქუჩის სახელის მინიჭების მიზანშეწონილობის შესახებ

ქალაქ ფოთის მუნიციპალიტეტის საკრებულო აღნიშნავს, რომ „გეოგრაფიული ობიექტების სახელდების შესახებ“ საქართველოს კანონის მე-10 მუხლის მე-5 პუნქტის შესაბამისად, გადაწყვეტილება საქართველოს ქალაქებში, დაბებსა და სოფლებში განლაგებული გეოგრაფიული ობიექტების (ქუჩა) სახელდების შესახებ მიღება მუნიციპალიტეტის წარმომადგენლობითი ორგანოს სამართლებრივი აქტით და სამთავრობო კომისიის თანხმობით.

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-7 მუხლის მე-3 პუნქტის „ბ“ ქვეპუნქტის შესაბამისად, გეოგრაფიული ობიექტის (ქუჩა) სახელდების თაობაზე ინიციატივის წარდგენის უფლება აქვს საკრებულოს წევრებს.

ზემოხსენებული წესის მე-7 მუხლის მე-2 პუნქტის შესაბამისად, გეოგრაფიული ობიექტის(ქუჩა) სახელდების შესახებ შესაბამისი ინიციატივა წარდგინება მუნიციპალიტეტის საკრებულოს.

აღნიშნული წესის მე-5 მუხლის პირველი პუნქტის შესაბამისად, სახელმწიფო და საზოგადო მოღვაწე პირთან დაკავშირებული სახელდება დასაშვებია ამ პირის გარდაცვალებიდან არანაკლებ 20 წლის გასვლის შემდეგ. ამ წესიდან გამონაკლისის დაშვების მიზანშეწონილობის თაობაზე გადაწყვეტილებას იღებს მუნიციპალიტეტის საკრებულო.

ზემოხსენებული წესის მე-2 მუხლის „დ“ და „დ“ ქვეპუნქტების შესაბამისად, სახელმწიფო მოღვაწე არის პირი, რომელსაც თავისი სახელმწიფოებრივ-თანამდებობრივი მდგომარეობის ან/და პოლიტიკური ავტორიტეტის საფუძველზე, განსაკუთრებული დამსახურება აქვს საქართველოს წინაშე ქართული სახელმწიფოს მშენებლობის საქმეში; საზოგადო მოღვაწე არის პირი, რომელსაც განსაკუთრებული დამსახურება აქვს საქართველოს ან/და კაცობრიობის წინაშე, კულტურის, ხელოვნების, ენის, მეცნიერების, ლიტერატურის, სპორტის განვითარების, სამშობლოს დაცვის ან საზოგადოების კონსოლიდაციის საქმეში ან საზოგადოებრივი საქმიანობის სხვა სფეროში.

ამდენად, ქალაქ ფოთის მუნიციპალიტეტის საკრებულოს წევრები, საკრებულოში შემოვიდნენ წინადადებით ქალაქ ფოთის მუნიციპალიტეტში, კუნძულის უბანში არსებულ ქუჩას მიენიჭოს გერონტი კუხალეიშვილის სახელი.

გერონტი კუხალეიშვილი იყო ცნობილი საზოგადო და სახელმწიფო მოღვაწე, ქალაქ ფოთის, ქალაქ ლაგრანჟეს (აშშ), ქალაქ ნავპლიონის (საბერძნეთი) საპატიო მოქალაქე, საქართველოს დამსახურებული ინჟინერი, ღირსებისა და ბრწყინვალების საპრეზიდენტო ორდენების, სხვადასხვა სახელმწიფო ჯილდოების და მედლების კავალერი, საპატიო მამულიშვილი და ღირსეული პიროვნება, მას დიდი წვლილი მიუძღვის ქალაქის განვითარებაში, ის იყო ასევე ქალაქ ფოთის მუნიციპალიტეტის საზოგადოებრივი სათათბიროს თავმჯდომარე.

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-7 მუხლის მე-13 პუნქტის შესაბამისად, გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის მიზნით, გეოგრაფიული ობიექტების სახელწოდებათა სფეროში მოქმედ სამთავრობო კომისიიდან (შემდგომში ტექსტში - შესაბამისი სამთავრობო კომისია) თანხმობის მიღების შემთხვევაში, მუნიციპალიტეტის საკრებულო განკარგულების სახით იღებს გადაწყვეტილებას გეოგრაფიული ობიექტის სახელდების შესახებ.

ამდენად, საქართველოსა და ქალაქ ფოთის მუნიციპალიტეტის წინაშე არსებული დამსახურებისთვის მიზანშეწონილია დაშვებულ იქნას გამონაკლისი და შესაბამისი სამთავრობო კომისიიდან თანხმობის მიღების შემდეგ, მიღებულ იქნას საკრებულოს განკარგულება ქალაქ ფოთის მუნიციპალიტეტის ტერიტორიაზე მდებარე სანაპიროს ქუჩისთვის სახელის გადარქმევისა და გერონტი კუხალეიშვილის ქუჩის სახელის მინიჭების შესახებ (თანდართული ორთოფოტსა და სიტუაციური გეგმის შესაბამისად).

საქართველოს ზოგადი ადმინისტრაციული კოდექსის 96-ე მუხლის პირველი და მე-2 ნაწილების შესაბამისად, ადმინისტრაციული ორგანო ვალდებულია ადმინისტრაციული წარმოებისას გამოიკვლიოს საქმისათვის მნიშვნელობის მქონე ყველა გარემოება და გადაწყვეტილება მიიღოს ამ გარემოებათა შეფასებისა და ურთიერთშეჯვრების საფუძველზე. დაუშვებელია, ინდივიდუალური ადმინისტრაციულ-სამართლებრივი აქტის გამოცემას საფუძვლად დაედოს ისეთი გარემოება ან ფაქტი, რომელიც კანონით დადგენილი წესით არ არის გამოკვლეული ადმინისტრაციული ორგანოს მიერ.

ამდენად, ზემოხსენებული საკითხის შესწავლის მიზნით, ადმინისტრაციული წარმოებისას გამოკვლეულ იქნა საქმისათვის მნიშვნელობის მქონე ყველა გარემოება.

საქართველოს ეროვნული არქივის ფოთის ადგილობრივი არქივიდან მიღებული 2023 წლის 12 დეკემბრის № 57/47366 წერილის შესაბამისად, საქართველოს ეროვნული არქივის ფოთის ადგილობრივ არქივში არ ინახება რაიმე დოკუმენტი ქალაქ ფოთის მუნიციპალიტეტში, კუნძულის უბანში, სანაპიროს ქუჩის(იხილეთ განკარგულებაზე თანდართული სიტუაციური გეგმა, ორთოფოტო) სახელდების შესახებ.

სსიპ საჯარო რეესტრის ეროვნულ სააგენტოდან მიღებული 2023 წლის 6 დეკემბრის N264534 წერილის შესაბამისად, დგინდება, რომ ქალაქ ფოთის მუნიციპალიტეტში კუნძულის უბანში ზღვის სანაპიროზე მდებარე ქუჩა(იხილეთ განკარგულებაზე თანდართული სიტუაციური გეგმა, ორთოფოტო) სამისამართო რეესტრში რეგისტრირებულია როგორც სანაპიროს ქუჩა, მაგრამ საჯარო რეესტრის ეროვნულ სააგენტოში არ ინახება რაიმე სახის დოკუმენტი ზემოხსენებული ქუჩის სახელდების შესახებ.

ქალაქ ფოთის მუნიციპალიტეტის საკრებულოს წევრების, სივრცით-ტერიტორიული დაგეგმარების და ინფრასტრუქტურის კომისიის თავმჯდომარის ბეჭა მორჩილამისა და ქალაქ ფოთის მუნიციპალიტეტში კუნძულის უბანში მცხოვრებ მოსახლეობასთან შეხვედრის 2023 წლის 12 დეკემბრის სხდომის ოქმიდან, დგინდება რომ არ მომხდარა ქალაქ ფოთის მუნიციპალიტეტში, კუნძულის უბანში ზღვის სანაპიროზე მდებარე ქუჩის სახელდება და მოსახლეობა ფაქტიურად

არ იყენებს ზემოხსენებული ქუჩის სამისამართო რეესტრში მითითებულ სახელწოდებას „სანაპიროს ქუჩა“.

მოცემულ ეტაპზე ქალაქ ფოთის მუნიციპალიტეტის საკრებულოში არ ინახება არანაირი დოკუმენტაცია ქალაქ ფოთის მუნიციპალიტეტში, კუნძულის უბანში მდებარე ქუჩის (იხილეთ განკარგულებაზე თანდართული სიტუაციური გეგმა, ორთოფოტო) სახელდების შესახებ.

„მუნიციპალიტეტის ადმინისტრაციულ საზღვრებში მდებარე გეოგრაფიული ობიექტების სახელდების წესის დამტკიცების შესახებ“ საქართველოს მთავრობის 2015 წლის 1 ივნისის №239 დადგენილებით დამტკიცებული წესის მე-4 მუხლის „ე“ ქვეპუნქტის შესაბამისად, გეოგრაფიული ობიექტისთვის ძველი სახელწოდების გადარქმევა ხორციელდება იმ შემთხვევაში, თუ, ისტორიულ ვითარებათა და სხვა ობიექტურ გარემოებათა გამო მიზანშეწონილია სახელწოდების შეცვლა. ვინაიდან, არ არსებობს ზემოხსენებული ქუჩის სახელდების დოკუმენტაცია და არის მხოლოდ სამისამართო რეესტრში ჩანაწერი სანაპიროს ქუჩა, ამასთანავე, მოსახლეობა ფაქტიურად არ იყენებს ზემოხსენებული ქუჩის (სანაპიროს ქუჩა) სახელწოდებას, მიზანშეწონილია საკრებულოს განკარგულებით, ქალაქ ფოთის მუნიციპალიტეტის ტერიტორიაზე მდებარე სანაპიროს ქუჩას გადაერქვას სახელი და ეწოდოს და გერონტი კუხალეიშვილის ქუჩის სახელი.

#### აღნიშნულიდან გამომდინარე:

##### მუხლი 1.

1. საქართველოსა და ქალაქ ფოთის მუნიციპალიტეტის წინაშე არსებული დამსახურებისთვის, მიზანშეწონილია დაშვებულ იქნას გამონაკლისი და შესაბამისი სამთავრობო კომისიიდან თანხმობის მიღების შემდეგ, საკრებულოს განკარგულებით, ქალაქ ფოთის მუნიციპალიტეტის ტერიტორიაზე მდებარე სანაპიროს ქუჩას გადაერქვას სახელი და ეწოდოს გერონტი კუხალეიშვილის ქუჩის სახელი (თანდართული ორთოფოტსა და სიტუაციური გეგმის შესაბამისად).

2. აღნიშნული განკარგულების შესრულებასთან დაკავშირებით გატარდეს შესაბამისი ღონისძიებები.

##### მუხლი 2.

განკარგულების შესრულებაზე კონტროლი დაევალოს სივრცით - ტერიტორიული დაგეგმარების და ინფრასტრუქტურის კომისიას.

##### მუხლი 3.

განკარგულება ძალაშია ხელმოწერისთანავე.

##### მუხლი 4.

განკარგულება შეიძლება გასაჩივრდეს მისი კანონმდებლობით გათვალისწინებული წესით გაცნობიდან ერთი თვის ვადაში, ფოთის საქალაქო სასამართლოში (მისამართი: ქალაქ ფოთის მუნიციპალიტეტი, დავით აღმაშენებლის ქუჩა №3).

საკრებულოს თავმჯდომარე



აღექსანდრე ტყებუჩავა